

四庫全書

集部

欽定四庫全書

集部

別本韓文考異卷三十一至

詳校官通政使臣夢吉

檢討臣何思鈞覆勘

總校官進士臣繆琪

校對官助教臣卜惟吉

謄錄監生臣金特

欽定四庫全書

別本韓文考異卷二十七

宋 王伯大 重編

碑誌

劉統軍碑

韓曰公嘗誌統軍劉昌裔墓矣今又銘其碑
○此篇並以方所據石本為正可疑者別見

唐故陳許軍節度使金紫光祿大夫檢校尚書左僕射
魚御史大夫右龍武統軍彭城郡開國公食邑二千戶

贈潞州大都督劉公諱昌裔字光後

許下或無軍
字方從石本薨既

葬將反柩于京舍于墓次

柩或作柩或作几或
作玉京下有師字

故吏文

武士門人送客訖事會哭將退咸顧戀牽連一口言曰

自我公薨至葬凡所以校德焯勤

上之藥切明
也一作卓

者莫不

粗完隱卒崇終有都督之詔日事時功以著不可誣

下可

或有
以字

有太史之狀太常之狀有謚有誄有幽堂之銘

太常

上或有
有字

又如即外碑刻文以顯詩之其於傳無已豈不

益可保於是相許諾以告其孤縱縱哭捨杖拜曰縱不

敢違

或無哭字

則相與刻銘文曰

劉處彭城本自楚元陽曲之別繇公祖遷公曾祖考為

朔州守祖令太原仍世北邊樂其高寒棄楚不還逮于

公身三世晉人

趙德夫云石本三世作再世上文祖令太原作考令太原然其篇首既言陽曲

之別由公祖遷則為晉人非再世矣碑當時所立不應差其世次莫可曉也○今按劉志在後卷所述世次尤詳與再世之云皆不合亦石本不足信之一驗也公生而異魁顏鉅鼻幼如舒

退少長好事西戎乘勢盜有河外公雖家居為國喑噫

上於金切下鳥界切噫氣

來告邊帥可破之計

帥或作師

楊琳為橫巴蜀

靡彫

方云考代宗起大厯三年瀘州刺史揚子琳反昌裔說子琳事通鑑亦可考新書作楊惠琳誤矣

公由游寄單船諭招

方云爾雅士時舟注單船

折其尾毒不得動搖

其尾毒或作其纛尾

琳後來降公不有功終琳之已還卧民里蓋

古有云人職其憂無事於職而與國謀德宗之始為曲

環

樊曰建中初曲環為邠隴都知司馬使辟昌裔為起判官為環檄李納剴曉大義環上其藁德宗異之

奮筆為檄強寇氣死決敗算成效於屈指環有許師公

遂佐之蘇民軋敵多出公畫

軋或作戰或作朝

累拜郎中進兼

中丞雖在陪貳天子所憑蔡卒幸喪圍我許鄆新師不

牢助勦

上音匡下音穰集注急走貌又迫遽也

將逋公為陳方應變為械

方或作力

與之上下寇無所賴遂至遁敗

方云或云此句上當脫一句說也

今按此篇文體整齊無奇句為韻者或非是也不然則衍與之上一句未知果孰是也石本之不足信此又

顯然前亦屢辨之矣

以功遷陳實許之半聲駕元侯以執自憚復

入居許為軍司馬脫權下威士心益歸卒嗣環職棄惡

從德乃與蔡通塗其榛棘推耄嬉遨連手歌謳

遨或作遊

上

無可怨外無與讎既長事官峻之大夫

峻諸本作後今案此一字亦

可疑未詳其說

其償未塞僕射以都

償或作賞以或作已○今按此句有未字此當作已

然此集二字通用者亦多姑從舊

及癸巳歲秋涌水出流過其部破民

廬室公即疏言此皆臣憊防斷不補漬民於泉漬或作債臣

耆且疾宜即大罰上曰熒害大臣其來

熒或作藹○今按熒害滅除字

本秦刻允余之思其可止哉驛隸走呼有中使來公迎于

驛遂行不迴六月隆熱上下欬

欬或作歔下許極切楚辭曰有寒山卓龍

艸只注艸赤色方云艸大赤也字見楚辭大招

公鞭公驅去馬以與公病日惡

不能造闕仆卧在宅閔有加錫命為統軍龍武之右兼

官左相百僚長省冬十一月日將南至公遂薨殂年六

十二秦聞怛悼俾官臨吊悲不聽朝贈督潞州存歿之
賚於數為優明年九月東葬金谷公往有命匪後人卜

衢州徐偃王廟碑

洪曰徐偃王事見史記後漢書博物志然後漢云楚文王滅之楚辭亦云荆文寤而徐亡按周穆王時無楚文王春秋時無徐偃王予嘗辯于楚詞補註中

徐與秦俱出柘鬻

孫曰史記秦本紀大業之子曰大費是為柘鬻舜四姓嬴氏伯翳二子大

庶後為秦若木為徐又一曰伯益一曰柏翳鬻相近故也

為嬴姓國於夏殷周世咸

有大功

殷或作商方以石本今從之此篇內同疑者別見

秦處西偏專用武勝

遭世哀無明天子遂虎吞諸國為雄

國或作侯

諸國既皆入

秦為臣屬秦無所取利上下相賊害卒債

甫運切祝曰猶亡也莊子

一債一起

其國而沈其宗徐處得地中文德為治

文方作又今以上文

秦用武勝者推之此宜作文

及偃王誕當國益除去刑爭末事凡所

以君國子民待四方一出於仁義當此之時周天子穆

王無道意不在天下好道士說得八龍騎之西遊同王

母宴于瑤池之上歌謳忘歸

方云石本無宴字○今按無宴字不成文以它本補

四方諸侯之爭辯者無所質正咸賓祭於徐

祭方從杭本作察云

今廟中有傳刻慶厯中石本亦作寮。○今按賓寮無理明甚。況慶厯石本非當時物不足據。而左傳有賓祭字。當從諸本。作祭為是。贅玉帛死生之物于徐之庭者三十六國得。

朱弓赤矢之瑞。穆王聞之恐。遂稱受命。命造父御長驅而歸。與楚連謀伐徐徐。不忍鬪其民。北走彭城。武原山下。百姓隨而從之。萬有餘家。偃王死。民號其山為徐山。鑿石為室以祠偃王。偃王雖走死。國民戴其嗣為君如初。

方云失下或有其字亦云石本不知是否。○今按此字有無不可知。然亦可見方未嘗見真石本也。

駒王章禹祖孫相望自秦至今。名公鉅人繼跡。史書徐

氏十望其九皆本於偃王而秦後迄茲無聞家

自秦或作自奉

史或作文

天於伯翳之緒非偏有厚薄施仁與暴之報自然

異也衢州故會稽太末

上音聞

也民多姓徐氏支縣龍丘

有偃王遺廟或曰偃王之逃戰不之彭城之越城之隅

棄王几研

研與硯同

于會稽之水或曰徐子章禹既執於吳

徐之公族子弟散之徐揚二州間即其居立先王廟云

公或作宗

開元初徐姓二人相屬為刺史帥其部之同姓改

作廟屋載事于碑後九十年當元和九年而徐氏放復

為刺史故字達夫前碑所謂令戶部侍郎其大父也春

行視農至于龍丘有事于廟思惟本原曰故制猶

倉胡切

樸下窄不足以揭

音羯

虔安靈而又梁猶赤白陟

池耳切又徒可

切祝曰逸期不他陟陟壞落也

剝不治

猶或作桶

圖像之威黜

許記切玉篇云深黑也

昧就減藩拔級夷庭木禿缺

缺或作缺。今按缺正字。歟俗體然唐人多用之。姑

从其祈眊日慢祥慶弗下

日方云洪以石本定作由。今按由義未詳。姑从諸本作

日州之羣支不獲蔭麻

羣支或作支。郡或作羣。吏皆非是。

余惟遺紹而

尸其土不即不圖以有資聚罰其可辭乃命因故為新

衆工齊事惟月若日工告訖功大祠于廟宗卿咸序因

卿或作郎是歲州無怪風劇雨民不夭厲穀果完實民皆曰

耿耿社哉其不可誣

耿耿社哉或作社哉社哉方从閣本無社字而不言石本之有無又

云耿當讀從炯今從諸本

乃相與請辭京師歸而鑲之于石辭曰

秦傑以顛徐由遜綿

遜或作遜

秦鬼久飢徐有廟存婉婉偃

王惟道之眈以國易仁為笑于頑自初擅命其實幾姓

歷短詈長有不償亡

詈或作言

課其利害孰與王當

與方从洪氏石

本作嘗今從諸本

姑蔑

今衢州有姑蔑城左傳越伐吳王孫彌庸自泓上觀之見姑蔑之旗曰吾父之

旗也杜預注
姑蔑越地

之墟太末之里誰思王恩立廟以祀王之

聞孫世世多有唯臨茲邦廟土實守堅嶠之後達夫廊

之王歿萬年如始祔時王孫多孝世奉王廟達夫之來

先慎詔教盡惠廟民不主於神維是達夫知孝之元太

末之里姑蔑之城廟事時修仁孝振聲宜寵其人以及

後生嗟嗟維王雖古誰亢

古或作死亢協韻
舌郎切猶拒也

王死于仁

彼以暴喪

暴方作常而不言
石本今從諸本

文追作誄刻示茫茫

示或作石

方云石本如此而不
敢從今亦不敢從也

袁氏先廟碑

韓曰袁滋本傳已
詳碑特舉其繫耳

袁公滋既成廟明歲二月自荆南以旂節朝京師

歲或作年

方云考之史袁滋以元和十一年朝京師旂或作旌

留六日得壬子春分率宗親

子屬用少牢于三室既事退言曰嗚呼遠哉維世傳德

襲訓集余乃今有濟今祭既不薦金石音聲使工歌詩

載烈象容

祝曰為之歌詩所以
載其功烈象以形容

其美以飭雅昧於長久

唯敬繫羊豕幸有石

孫曰即所謂麗牲之碑祭義云祭
之日君牽牲入廟門麗于碑麗

繫也如具著先人名跡因為詩繫之語下於義其可著或作者

雖然余不敢必屬篤古而達於詞者遂以命愈愈謝非其人不獲命則謹條袁氏本所以出與其世系里居起

周歷漢魏晉拓拔魏周隋入國家以來高曾祖考所以

劬躬燾後

孫曰謂履燾其後人

委祉于公

以來或作已來

公之所以逢將

承應者有概有詳而綴以詩其語曰周樹舜後陳語或作詩

樹或作封後下方有為字

陳公子有為大夫食國之地袁鄉者其子

孫世守不失因自別為袁氏春秋世陳常壓於楚與中

國相加尤疏袁氏猶班班見可譜常居陽夏

下音賈今亳州陽

夏至晉屬陳郡故號陳郡袁氏

見可以或作可見于譜屬陳下或無郡字博

士固申儒過詩

英曰漢儒轅固齊人實太后好老子書召問固固曰此家人言耳太后怒之韓

曰固以治詩景帝時為博士與黃生爭論黃生曰湯武非受命乃弑固曰不然桀紂暴虐天下之心皆歸湯武

不得已而立非受命而何

唱業於前至司徒安懷德於身袁氏遂大

顯連世有人終漢連魏晉分仕南北

終方作終非是

始居華陰

為拓拔魏鴻臚鴻臚諱恭生周梁州刺史新縣孝侯諱

頴

新下或有安字頴或作頴

孝侯生隋左衛大將軍諱溫去官居華

陰武德九年以大耄薨始葬華州

耄或作耄

左衛生南州刺

史諱士政南州生當陽令諱倫於公為曾祖當陽生朝

散大夫石州司馬諱知玄司馬生贈工部尚書咸寧令

諱華是為皇考袁氏舊族而當陽以通經為儒位止縣

令石州用春秋持身治事為州司馬以終咸寧備學而

貫以一文武隨用謀行功從出入有立不爵于朝比三

世宜達而室歸成後人數當于公公惟曾大父大父皇

考備三世存不大夫食歿祭在于孫

或無再出大父字有公字大父或作

大夫比或作妣皆非是又此所聚袁滋世繁如唯將相此甚明而唐書新傳以滋為袁範之後誤矣

能致備物世彌遠禮則益不及在慎德行業治圖功載名以待上可無細大無敢不敬畏無早夜無敢不思成于家進于外以立于朝自侍御史歷工部員外郎祠部郎中諫議大夫尚書右丞華州刺史金吾大將軍由卑而鉅莫不官稱遂為宰相以贊辨章

孫曰便章也史記曰便章百姓即平

章

耳仍持節將蜀滑襄荊略苞河山秩登祿富以有廟祀

具如其志又垂顯刻以教無忘可謂大孝

刻或詩曰作烈

袁自陳分初尚蹇連

方作連

越秦造漢博士發論司徒任

德忍不錮人

方云博士轅固司徒袁安也按左傳陳有轅濤塗又有袁偃漢有轅固轅豐又有袁

安蓋兩姓也杜預謂袁偃濤塗四世孫不知何以至漢復出兩姓○今按歐公集古錄漢三袁良碑亦云濤

塗立姓為袁蓋轅袁古字通用袁蓋又通作爰亦非別為一姓也

收功厥後五公重尊

晉氏于南來處華下鴻臚孝侯用適操捨南州勤治取

最不懈當陽耽經唯義之畏石州烈烈學專春秋懿哉

咸寧不名一體趨難避成與時泛浮是生孝子天子之

宰出把將符羣州承楷

把或作祀或作持羣或作郡

數以立廟祿以

備器

一或作敎說見烏氏廟碑

由曾及考同堂異置栢版松楹其筵

肆肆

筵或作業

維袁之廟孝孫之為順勢即宜以詠以龜以

平其熾屋墻持持孝孫來享來拜廟庭陟堂進室親登

邊鉶

或作鉶

肩膂肱骨

膂奴報切又女朱切肱音栢骨音格集註膂臂節也禮記其禮太牢

則以牛左肩臂膂折九个儀禮臂膂肱骨也儀禮兩肱脊肺設高解肱禽獸骨也四者皆所薦之羞其

樽玄清

補註謂玄酒清酒

降登受胙于慶爾成

爾方作示非是

維曾維

祖維考之施于汝孝嗣以報以祇凡我有今非本曷思

刻詩牲繫維以告之

牲繫或作繫牲

清河郡公房公墓碣銘

公諱啟字某河南人其大王父融王父瑄仍父子為宰
相融相天后事遠不大傳瑄相玄宗肅宗處艱難中與
道進退薨贈太尉流聲于茲父乘仕至秘書少監贈太
子詹事公胚胎前光生長食息不離典訓之內目孺耳
染不學以能

孺或作懦或作揣方云孺亦染也。今始按懦而遇切字見儀禮然作孺亦通

始

為鳳翔府叅軍尚少人吏迎觀望見咸曰真房太尉家
子孫也不敢弄以事

或無轉字

轉同州澄城丞益自飾理同

官憚伏

理或作治

衛宴使嶺南黜陟求佐得公擢摘良姦南

土大喜還進昭應主簿

進或作遷

裴胄領湖南表公為佐拜

監察御史部無遺事胄遷江西又以節鎮江陵公一隨

遷佐胄

又或作胄非是佐胄或作為佐

累功進至刑部員外郎賜五品

服副冑使事為上介上聞其名徵拜虞部員外在省籍

籍遷萬年令果辨愷絕

辨或作辯愷吉歷切疾也

貞元末王叔文用

事材公之為

啟素附王叔文

舉以為容州經畧使拜御史中丞

服佩視三品管有嶺外十三州之地

州下或無之字

林蠻洞蜒

蜒當作蜚南方夷也蜚音蜒

守條死要不相漁劫稅節賦時公私有

餘削衣貶食不立資遺以班親舊朋友為義

朋方作為非是

在

容九年遷領桂州封清河郡公食邑三千戶中人使授

命書應待失禮客主違言徵貳太僕未至貶虔州長史

而坐使者

樊曰啟除桂州州郅賂吏部主者私得官告飛驛以授啟既而憲宗自遣中使持詔賜啟

啟畏使者邀重賂即曰先五日已得詔使者紹請視因持之歸以聞七月貶啟太僕少卿啟自陳獻使者南口

十五帝怒殺中使者啟未至京師貶虔州長史始詔五管福建縣中道不得以口饋遺罷臘口等使九月丙午

中官李建章坐受啟賂杖一百處死癸未貶啟虔州長史啟先賂建章口十五人既怨其發官告事乃具上言

帝既殺建章并黜啟

以疾卒官年五十九其子越能輯父事無失

謹謹致孝既葬碣墓請銘銘曰

房氏二相厥家以聞條葉被澤況公其孫公初為吏亦以門庇佐使于南乃始以致既辦萬年命屏容服功緒卓殊氓獠循業維不順隨失署亡資非公之怨銘以著

之

非公方作非君

唐故銀青光祿大夫檢校左散騎常侍兼右金

吾衛大將軍贈工部尚書太原郡公神道碑

文

或無尚書以
上二十八字

公諱用字師柔太原人莊憲皇太后之弟今天子之舅
太師之子太尉之孫司徒之曾孫元和元年上朝太后
南宮大褒外氏自外高王父而下至外王父咸冊登公
師事載之史

高王上或
有祖字

皇太后昆弟唯公一人於是特

拜銀青光祿大夫太子少詹事

特或
作時

未三月因遷大詹

事賜勳上柱國爵封郡公國于太原益掌殿苑之事公

起外戚子弟秩卑年少歲餘起居上班官尊職大朝夕

兩宮而能敬讓以敏持以禮法不挾不矜實接士大夫

高下中度

上下或無大字

興官者事滋久愈謹

興或作與者或作嗜方云者音

指致也詩者定廟功國語者其股肱以從司馬○今按者或疑即嗜字更詳之

由是朝廷推賢

所號治轉少府監太子賓客別職仍初

仍或作如楚方從館抗本作拊

○今按仍即如也拊字無理明甚可以見閣抗本之謬矣

遷左散騎常侍兼右金吾

大將軍皆以選推不專為恩

專下或有於字

十一年秋將以八

月葬莊憲太后前一月壬申以疾告薨春秋四十有七

上罷朝二日為位以哭贈工部尚書十一月壬申葬于

萬年縣落女原

落女或作樂安

夫人河南胡氏號太原郡夫人

有子六人女子一人葬得日公之姊壻京兆尹李脩

或作

脩方云考舊史當作脩

謂太子右庶子韓愈曰子以文常銘賢公

卿今不可以辭

常或作章

應曰諾而為銘曰

有螭氏

螭音喬孫曰晉語云少典娶于有螭氏生黃帝炎帝有螭古之諸侯也

國實出炎

軒蜀塗辛摯

祝曰史記黃帝之子昌意娶蜀山氏之女生高陽有聖德立為帝是為顓帝禹者黃

帝之玄孫顓帝之孫也娶塗山女生啟書曰娶于塗山季歷娶太任蓋摯國任氏之中女詩曰女仲氏任子昌

立是為西伯西伯曰大王娶莘氏之長女曰大妣詩曰
命此文王于周于京續女維莘孫曰列女傳湯妃有莘
之女生仲壬外丙又云大任文王之
母摯任氏之中女王季娶以為妃
正妃之門辛或作華非是

孰豐其川不羨其源王氏周冑官封繼繼上繼字方作相非是實

生聖女以母唐帝公惟后季天子吾甥吾或作其非是卑躬慎

德不與寵橫方年未老后哀猶新如何不惠而殞其身

刻文茲石久載攸存攸方作猶。今按文理當作攸又上句已有猶新字不應重出也

別本韓文考異卷二十七

欽定四庫全書

別本韓文考異卷二十八

宋 王伯大 重編

碑誌

曹成王碑

洪曰退之嘗云出為文詞宜畧識字如曹成王碑用剡縣錢披擬策趾等字是也

王姓李氏諱臯字子蘭謚曰成其先王明

孫曰太宗第十四子貞觀

間封曹王

以太宗子國曹絕復封傳五王至成王嗣封在玄

宗世蓋於時年十七八紹爵三年而河南北兵作天下

震擾王奉母太妃逃禍民伍得間走蜀從天子

或無得字或無

蜀從二字

天子念之自都水使者拜左領軍衛將軍

衛下或有二字

轉貳國子秘書王生十年而失先王哭泣哀悲弔客不

忍聞喪除痛刮磨豪習委已於學

痛下有或字

稍長重知人

情急世之要恥一不通侍太妃從天子于蜀既孝既忠

持官持身內外斬斬

持身方作將身斬斬或作漸漸非是

由是朝廷滋欲

試之於民上元元年除温州長史行刺史事江東新剏

於兵郡早飢民交走死無弔

交或作皆。按唐人多用交字如陸宣公奏議云交

駭物聽交下不存濟者之類意猶曰即今云爾

王及州不解衣下令拊

舊注被拊切擊

也

鎖橫門悉弃倉實與民活數十萬人

擴或作橫活下或有者字或無

十奏報升秩少府

或無報字府下或有監字

與平袁賊仍徙秘書兼

州別駕部告無事

兼方作處云考舊傳合。今按成王本以温州長史行刺史事今兩奏功

而得處州別駕又不行州事則於地望事權皆為左降矣以事理推之不應如此疑方本誤而諸本作兼本為

是蓋以舊官仍兼本州別駕以寵之爾下文又云部告無事則謂温州前此早飢而今始無事也又云遷真于

衡則是自行刺史事而為真刺史也其間不應遷真于復有處州一節明矣舊史亦承襲誤不足為據

衡法成令修治出張施聲生執長

真或作鎮。說見上施或作弛

觀察

使噎媚

上烏結切下音墨冒寐三音祝曰噎媚也媚怒也史記王后亦以妬媚不當侍病

不能

出氣誣以過犯御史助之貶潮州刺史

助或作効

楊炎起道

州相德宗還王于衡以直前謾

或無于字或無前字

王之遭誣在

理念太妃老將驚而戚

理或作治

出則囚服就辯入則擁笏

垂魚坦坦施施

祝曰詩將其來施施注舒行也

即貶于潮以遷入賀及

是然後跪謝告實初觀察使虐使將國良往戍界

方云閩杭

蜀本蔡使下有殘字而無國字觀察使辛京果也將國良王國良也馬大年所得柴氏善本無殘字良下有往

字以虐字屬下句云良不願往而辛強使之也然按舊史云前使貪殘新史亦云前帥貪虐國良以富獲譴則馬說為非是國良只稱良猶南霽雲只稱雲李光顏只稱顏也下文亦可併考○今按文勢則馬說為是虐使亦古語新史所載疑亦以碑語料其如此耳今从馬說但國良初見當全書二名其後乃可單出如霽雲光顏亦先全書後良以武岡叛戍衆萬人

戍或作戍

歛兵荆黔洪

乃單出也

桂伐之二年尤張於是以王帥湖南將五萬士以討良為事王至則屏兵投良以書中其忌諱良羞畏乞降孤

鼠進退

羞或作為鼠或作疑新史孤作首

王即假為使者從一騎蹕五

百里抵良壁鞭其門大呼我曹王來受良降良今安在

良不得已錯愕迎拜盡降其軍

愕或作迂方云集韻愕逆各切相遇驚也或作

還隸作愕後漢寒朗傳二人錯愕不能對新舊史亦謂愕眙不敢動則此用愕字為正

太妃薨王

棄部隨喪之河南葬及荆被詔責還

責或作遣

會梁崇義反

王遂不敢辭以還升秩散騎常侍

或無常侍字

明年李希烈

反

或無李下四字

遷御史大夫授節帥江西以討希烈命至王

出止外舍禁無以家事關我哀兵大選江州羣能著

直畧

切職

江方作洪州或作南方云考新舊史皆作洪。今按洪州即江西帥治所若只大選洪州乃是未曾

出門一步無足書者選兵江州蓋為北向進討之勢故其下大遂攻蘄州道里亦便史承襲誤不足據當從諸

本作江為是不然則以王親教之搏力勾卒音羸越之

法

搏新史作團方作搏羸或作羸方云樊澤之馬大年皆曰作羸非是羸謂秦也越謂勾踐伐吳之兵法也

○今按搏徒官切團也楚詞云團果搏兮古字通用而新書以今字也然秦紀越語世家皆無搏力勾卒之文

不知諸家之說何所據惟蘇氏古史見之則恐或是反用此碑語也搏或疑是搏字亦未有據但搏力無理其

誤無疑耳或疑杜牧之有以力搏力曹誅五畀五或作伍

之語然杜後出韓公不當用其語也曹誅五畀五或作伍

曹五字見馬融廣成頌曹伍相保是也馬大年云曹誅五畀敗則誅及其曹有獲則分畀其伍新書畢自將五

百人教以秦兵團力法聯其賞罰弛艦步二萬人以與張如一即約此碑語也昇或作卑

賊還噉

楚快切祝曰噉謂一鋒蔡山踣音匍之剗烏九

烏官切

斡之黃梅大韞

如又切一音柔祝曰韞熟皮也又說文云要也長平地名唐書

曰韞授伊慎兵收黃梅次長平殺賊

將斡級千餘攻蔡山拔之遂下斡州

長平鏐

普活反祝曰說文鏐

兩刃木柄可以刈

廣濟

音斬祝曰擻舉出也

斡春

音夾

祝曰選擻波而濟

斡水

擻音減反擊也方誤作擻

擻黃岡

古業切

祝曰廣韻箕箸也

漢陽行

音紫又

漢

側駕切水

作文

川還大搏

音博又頗落切樊曰左傳成

斡水

界中

披

音靡切祝曰廣

安三縣拔其州

斡偽刺史

方云漢川

今漢陽地

跣跣也莊子跣黃泉而登大皇或無中字拔

或作誅或作株馬本作誅

○今按左傳云又披其邑安

拔

三縣安州三縣也其州安州也此碑用字標匹遙切祝

奇古有不可強通者當闕之以俟知者

也光州有光山光之北山諧他合切祝曰踏大食也說

隨屬隨光化楷祝曰後漢楷羽羣注按字書從手即古

也其州楷或作楷方云廣成頌散毛族楷羽羣十抽一

推后山談叢云唐今民二十成丁以下為推宋次道云

推者推也避高宗諱而用耳呂縉叔云推者推也獨

髻為推蓋傳寫誤耳唐人初不諱嫌名也陳以呂說為

是按史記漢書陸賈傳有魑結字注讀為推髻故唐令

以推為未冠之稱此云十抽一推者十推而取其一以

為兵即杜詩所謂無丁而選中男者也然唐志但云十

六為中而無推字會救兵州東北屬鄉還開軍受降屬

要亦然未詳其說

別本韓文考異

五

作厲。○今按厲鄉當屬亳
州去安州尚遠當作屬

大小之戰三十有二取五州

十九縣民老幼婦女不驚市賈不變

民下或有之字

田之果穀

下無一跡加銀青光祿大夫工部尚書改戶部再換節

臨荆及襄真食三百王之在兵天子西巡于梁希烈北

取汴鄭東略宋圍陳西取汝薄東都

薄或作亳非是

王坐南方

北向落其角距賊死咋

仄革切聲大也

不能入寸尺亡將卒十

萬盡輸其南州

亡或作上非是

王始政於溫終政於襄恒平物

估賤歛貴出民用有經一吏軌民使令家聽戶視姦宄

無所宿

一吏方以杭蜀本作吏一云一當如一民而重
威之一吏一執民用吉日辰良休也使令疑衍

一字宿上或無所字非是○今按方說一字是也但因
沈存中說吉日辰良二句遂更不問是非每有訛舛悉

以遷就如此以一吏為
吏一則無理之尤耳府中不聞急步疾呼治民用兵

各有條次世傳為法任馬彛將慎將鍰將潛偕盡其力

能

任至潛九字或作慎馬彛伊慎王鍰將方云潛李伯
潛也時馬彛掌幕府故不言將今从之偕盡其力能

一作偕盡其功偕上或有王字其力方
云力其非是○今按能字合在盡字上薨贈右僕射元

和初以子道古在朝更贈太子太師道古進士司門郎

進士上或有登字
下或有第遷字刺利隨唐陸徵為少宗正兼御史中

丞以節督黔中朝京師改命觀察鄂岳蘄沔安黃提其
師以伐蔡且行泣曰先王討蔡實取沔蘄安黃寄惠未
亡寄或作其今余亦受命有事于蔡而四州適在吾封庶其

有集

受或作授
州或作邑

先王薨於今二十五年吾昆弟在而墓

碑不刻無文其實有待子無用辭乃序而詩之

詩或作
請方無

之字皆
非是辭曰

太史十三曹於弟季或亡或微曹始就事

微或作微二
或字並作既

或無下一字方云曹始封於貞觀二十一年時太
宗十三子三早卒二貶死泰與惜亦皆遷降也

曹之

祖王畏塞絕遷

曹方作明宋景文云豈有為人作銘而名其祖者當作曹方云明坐太子賢事

降零陵王徙黔州都督謝祐逼殺之。今按銘文四字未詳其義疑畏如畏厭溺之畏塞如其行塞之塞言見

殺於閑塞之中而封絕於遠謫之時也方說近是而別圖云明徙黔州都督則不知明但徙黔州而為都督所

殺遂誤以都督屬上句也

零王黎公不聞僅存

按新史明子俊嗣王傑黎國公皆為武后

所殺子父易封三王守名

按史中宗神龍初以傑子肩為嗣曹王俊明少子備自南還詔

停肩而封備備薨復封肩所謂子父易封也

延延百載

以有成王成王之作一自其躬文被明章武薦峻功蘇

枯弱彊齷

音悲祝曰廣韻云齷齪也謂屢破布烈之衆

其姦猖

蘇枯弱彊或作吹枯蘇僵

以報于宗以昭于王

或無此一句

王亦有子

方云或云語下脫一句按公為

銘不必盡偶句用韵劉昌裔王仲舒碑可見○今按劉碑脫句前已論之不可為法王碑雖可為例然彼文從

韵叶無可疑者而此篇下大處王之所唯舊之視蹶蹶

亦不可曉不知其果然否耳

居衛切祝曰蹶蹶行陸陸實取實似

下陸字方作陞云

遽也詩良士蹶蹶○今按方說無理作陸陸則韵叶故且從之然其義亦不可曉大抵此篇多不可曉今姑闕之

刻詩其

碑為示無止

息國夫人墓誌銘

貞元十五年靈州節度使御史大夫李公諱樂守邊有

勞詔曰藥妻何氏可封息國夫人元和二年李公入為
戶部尚書薨夫人遂專家政公之男五人女二人而何
氏出者二男一女夫人教養嫁娶如一雖門內親戚不
覺有纖毫薄厚御僮使治居第生產皆有條序

僮下或有僕字

是非

居卑尊間無不順適

卑尊或作尊卑

命服在躬承祀孔時年

若干元和七年甲子日南至以疾卒明年八月庚寅葬

河南河陽夫人曾祖某綏州刺史祖某潞州別駕父某

晉州錄事參軍二男戡左威衛倉曹參軍

倉或作曹

成左清

道率府錄事叅軍戡強以肅成敏以和

或無戡下八字

女子嫁

與元叅軍鄭博古將葬戡與成以其事乞銘於其鄰韓

愈愈乃為銘曰

男主外事治不為異

主或作子非是

施于其家難甚吏治

難甚或作

甚難非是

又況公侯族大而貴夫人是專厥聲惟懿昔在貞

元有錫自天

錫或作息方云蓋以國封言之非也

啟封備服以疇時勲

時或

作婉婉夫人有籍宮門克承其後以嫁以婚隨葬東土

在河之陽遙望公墳而不同藏

試大理評事王君墓誌銘

王荆公云退之善爲銘
如王適張徹銘尤奇也

君諱適姓王氏好讀書懷奇負氣不肯隨人後選見功

業有道路可指取有名節可以戾契致

取下有或作而
或本無之方云

戾力結切契詰結切字本作其通俗文曰其多節目謂
之其其方言作謨詒賈誼傳其詒亡節○今按取下有
字當屬上句言功業可指取而有之名
節可以戾契而致之也不然則當作而困於無資地不

能自出乃以干諸公貴人借助聲勢諸公貴人既志得

皆樂熟軟媚耳目者不喜聞生語一見輒戒門以絕

門下

方無以字

上初即位以四科募天下士君笑曰此非吾時邪

即提所作書緣道歌吟超直言試既至對語驚人

不中第益困久之聞金吾李將軍年少喜士可撼

年上或有惟簡字或

無年字喜士或作喜事

乃躋

資息切祝曰少步也詩不敢不躋選屏氣跼躋

門告曰

躋或作躋

天下奇男子王適願見將軍白事一見語合意往來門

下盧從史既節度昭義軍張甚奴視法度士欲聞無顧

忌大語有以君生平告者即遣客鉤致君曰狂子不足

以共事立謝客李將軍由是待益厚奏為其衛曹叅

軍充引駕仗判官盡用其言將軍遷帥鳳翔君隨往改

試大理評事攝監察御史觀察判官擲垢爬痒民獲蘇

醒居歲餘如有所不樂一旦載妻子入閩

音聞又云亡切舊注弘農

胡縣有閩鄉前漢以胡閩鄉邪里聚為戾園鄉南山不

注云闢字本從旻其後轉訛誤作門中受耳

顧中書舍人王涯獨孤郁吏部郎中張惟素比部郎中

韓愈

比上或有太史字

日發書問訊顧不可强起不即薦明年

九月疾病輿醫京師

或無疾字

其月某日卒年四十四十一

月某日即葬京城西南長安縣界中曾祖爽洪州武寧

令祖微右衛騎曹叅軍父嵩蘇州崑山丞妻上谷侯氏

處士高女

或無高女二字非是。○按侯高事見李翱文集

今高固奇士自方阿

衡太師世莫能用吾言再試吏再怒去發狂投江水初

處士將嫁其女懲曰吾以齟齬窮

下或有瘁字

一女怜之必

嫁官人不以與凡子君曰吾求婦氏久矣唯此翁可人

意且聞其女賢不可以失即謾謂媒嫗

烏浩切女老稱

吾明經

及第且選即官人侯翁女幸嫁若能令翁許我請進百

金為嫗謝諾許白翁

諾許或作許諾

翁曰誠官人邪取文書來

君計窮吐實嫗曰無苦翁大人不疑人欺

大或作丈

我得一

卷書粗若告身者我袖以往翁見未必取眎幸而聽我

行其謀

行或作施

翁望見文書銜袖果信不疑曰足矣

袖或作軸

以女與王氏生三子一男二女男三歲夭死長女嫁毫

州永城尉姚佺

他頂切

其季始十歲銘曰

鼎也不可以柱

之庚切韓曰淮南子曰柱不可以摘齒筐不可以持屋馬不可以服重牛不可以

進速銘取此意

車馬也不可使守閭佩玉長裾不利走趨

學或作曳

祇繫其逢不繫巧愚不諧其須有銜不祛

須或作鑽顧非是

石埋辭以列幽墟

扶風郡夫人墓誌銘

夫人馬
暢之妻

夫人姓盧氏范陽人亳州城父丞序之孫吉州刺史徹
之女嫁扶風馬氏為司徒侍中莊武公之冢婦少府監
西平郡王贈工部尚書之夫人初司徒與其配陳國夫
人元氏惟宗廟之尊重繼序之不易序或作緒賢其子之才
求婦之可與齊者內外親咸曰盧某舊門承守不失其

初

親下或
有戚字

其子女聞教訓有幽閑之德為公子擇婦宜

莫如盧氏媒者曰然卜者曰祥夫人適年若干

或作
十四

入

門而媼御皆喜既饋而公姑交賀克受成福母有多子

為婦為母莫不法式天資仁恕左右媵侍常蒙假與顏

色人人莫不自在杖婢使數未嘗過二三雖有不懌未

嘗見聲氣

雖下或
無有字

元和五年尚書薨

燧歿後以資甲天
下暢以善殖財家

益豐晚為豪倖侵牟又累妻訟析產正元末神策中尉

楊志康奉使納田產至順宗復賜之中官往往逼取暢

畏不敢吝以至窮困
夫人哭泣成疾後二年亦薨年四

當時以暢厚畜為戚

十有六九年正月癸酉祔于其夫之封長子殿中丞繼

祖孝友以類

子下諸本有數字或作穀晁本作長子繼祖殿中丞孝友嗣類本或孝友上有丞考

二字方云此碑謂少府監者馬暢也暢子繼祖公嘗誌其墓新舊傳暢只有此一子世系表燧之子彙暢彙子

赦放暢子亦只有繼祖豈繼祖先名教邪或數字當刪○今按馬少監墓誌云君諱繼祖則方說得之仍當更

从晁本刪數字但以其兄弟連名考之則又疑作教為是而其下或有丞考二字者乃言教能繼此中丞少傳而孝友似之也少監志云諱繼祖或是反用此志誤本補足而世系表又承襲誤然不可考姑從晁本而并著

其所疑葬有日言曰吾父友惟韓丈人視諸孤其往乞

銘以其狀來愈曰日嘗聞乃公言然吾宜銘銘曰

陰幽坤從維德之恒

胡登切

出為辨強乃匪婦能淑哉夫

人夙有多譽來嬪大家不介父母

或作母父

有事賓祭酒食

祇飭協于尊章畏我侍側

章或作卑方云漢廣川王傳皆尊章顏注猶言公姑也方

作卑非是畏我侍側此句未詳畏我或作我之亦未安或疑畏當作慰

及嗣內事亦莫有

施齊其躬心小大順之夫先其歸其室有丘

夫先其婦方作不失

其歸或作夫其先歸○今按下文有合葬字作夫先為是其室或作有室

合葬有銘壺

苦本切

彛是攸

殿中侍御史李君墓誌銘

殿中侍御史李君名虛中字常容其十一世祖冲貴顯

拓拔世

舊注云據元和姓纂
虛中乃冲八世孫

父憚

紂慎妻
損二切

河南溫縣尉

娶陳留太守薛江童女生六子君最後生愛於其父母

年少長喜學學無所不通

少或作以
或無少字

最深於五行書以

人之始生年月日所直日辰支干相生勝衰死王相

並去

聲太元經用事者王王所先
者相注春則木王而火相也

斟酌推人壽夭貴賤利不

利輒先處其年時百不失一二

王相或
作相王

其說汪洋奧美

關節開解萬端千緒叅錯重出

美或
作義

學者就傳其法初

若可取卒

千忽切

然失之星官厯翁莫能與其校得失進

士及第試書判入等補秘書正字

祕書下或有省字

母喪去官

卒喪選補太子校書河南尹奏疏授伊闕尉佐水陸運

事故宰相鄭公餘慶繼尹河南以公為運佐如初宰相

武公元衡之出劔南奏奪為觀察推官授監察御史未

幾御史臺疏言行能高不宜用外府即詔為真御史半

歲分部東都臺遷殿中侍御史元和八年四月詔徵

既至宰相欲白以為起居舍人經一月疽發背六月乙

酉卒年五十二其年十月戊申葬河南洛陽縣距其祖

澠

音泯 澠池縣名 史記秦王與趙王飲于澠池

池令府君僑墓十里君昆弟

六人先君而歿者四人其一人嘗為鄭之滎澤尉

嘗或作常

非信道士長生不死之說既去官絕不營人事故四門

之寡妻孤孩與滎澤之妻子衣食百須皆由君出自初

為伊闕尉佐河南水陸運使換兩使經七年不去所以

為供給教養者及由蜀來輩類御史皆樂在朝廷進取

君獨念寡稚求分司東出嗚呼其仁哉君亦好道士說

於蜀得秘方能以水銀為黃金服之冀果不死將疾謂

其友衛中行大受韓愈退之

謂或作為非是

曰吾夢大山裂流

出赤黃物如金左人曰是所謂大還者今三矣

三下或有年字

君既歿愈追占其夢曰山者艮艮為背裂而流赤黃疽

象也大還者大歸也其告之矣妻范陽盧氏鄭滑節度

使兼御史大夫羣之女與君合德親戚無退一言

退一或作

一退或疑無字在退下

男三人長曰初協律

或無協字或疑律下有郎字

次曰

彪其幼曰還適三歲女子九人銘曰

不羸其躬以尚其後人

羸或作羸方云獨孤郁墓銘
曰年再不羸惟後之成義

別本韓文考異卷二十八

欽定四庫全書

別本韓文考異卷二十九

宋 王伯大 重編

碑誌

唐故朝散大夫商州刺史除名徙封州董府君

墓誌

公諱溪字惟深丞相贈太師隴西恭惠公第二子十九歲明兩經獲第有司沈厚精敏未嘗有子弟之過賓接

門下推舉人士侍側無虛口退而見其人淡若與之無

情者太師賢而愛之父子閒自為知己諸子雖賢莫敢

望之太師累踐大官

大或作從非是

臻宰相致平治終始以禮

號稱名臣晨昏之助蓋有賴云太師之平汴州

師下或無之字

年考益高挈持維綱鋤削荒顗

音來祝曰絲節淮南子明月之珠不能無顗顗

或作頑

納之太和而已其囊篋細碎無所遺漏繫公之功

上介尚書左僕射陸公長源齒差太師標望絕人聞其

所為每稱舉以戒其子楊凝孟叔度以材德顯名朝廷

或作於朝

及來佐幕府

佐或作住

詣門請交屏所挾為

或作屏

太

師薨始以秘書郎選叅軍京兆府法曹

選或作遷

日伏階下

與大尹爭是非大尹屢黜已見

大或並作太

歲中奏為司錄

參軍與一府政以能拜尚書度支貲外郎遷倉部郎中

萬年令兵誅恒州改度支郎中攝御史中丞為糧料使

兵罷遷商州刺史糧料吏有忿爭相牽告者事及於公

因徵下御史獄

因方作顯云漢韓安國傳由此顯名於漢常用此義○今按此召對私耳與方

所引者不類當只作因

公不與吏辨一皆引伏受垢除名徙封州

元和六年五月十二日死湘中年四十九

州下方本無年月日但於

湘中下云年若干今以晁本定按唐書元和七年立遂王為太子亦與下文相應

明年立皇太

子有赦令許歸葬其子居中始奉喪歸元和八年十一

月甲寅葬于河南河南縣萬安山下太師墓左夫人鄭

氏附公凡再娶皆鄭氏女生六子四男二女長曰金正

慧而早死次曰居中好學善為詩張籍稱之次曰從直

曰居敬尚小

直下或有次字

長女嫁吳郡陸暢其季友後夫人

之子公之母弟全素孝慈友弟公坐事棄同官令歸公

歿比葬三年哭泣如始喪者大臣高其行白為太子舍

人將葬舍人與其季弟解

戶買切

問銘於太史氏韓愈

將葬

下方有中字今以上文考之無者是然世系表全素太子中書舍人通典中舍一云中書舍人又安知全素不自舍人遷中舍邪○今按中字有則前後皆當有無則皆當無不應前無而後有也審如方說此志亦必是未遷時作況宅本自有無中字者今姑從之不必曲為之說也愈則為之銘辭曰

物以久弊或以輟

音歷車所踐也

毀考致要歸孰有彼此由我

者吾不我者天斯而以然其誰使然

貞曜先生墓誌

先生孟郊湖州武康人也

唐元和九年歲在甲午八月己亥

己或作乙方云考唐厯是月無乙亥也

貞曜先生孟氏卒無子其配鄭氏以告愈走位哭且召

張籍會哭

走或作赴位或作泣

明日使以錢如東都供葬事諸嘗

與往來者咸來哭弔

嘗或作常

韓氏遂以書告興元尹故相

餘慶閏月樊宗師使來弔告葬期徵銘

下或有於愈字

愈哭曰

嗚呼吾尚忍銘吾友也夫興元人以幣如孟氏賻且來

商家事

人或作尹

樊子使來速銘曰不則無以掩諸幽乃序

而銘之先生諱郊字東野父庭玠

彬音

娶裴氏女而選為

崑山尉生先生及二季鄩郢而卒先生生六七年端序

則見長而愈騫

則見或作有法

涵而揉之

或作足

内外完好色夷

氣清可畏而親及其為詩劇目鉢心

劇居衛切鉢時橘切又音迷劇利傷

也老子廉而不刺鉢長針也說文綦鍼也

刃迎縷解

刃或作物

鉤章棘句摛擢胃

賢

摛音滔或作滔非是擢音濁拔也摛棺也刮也廣韵引周書師乃摛棺胃賢或作皆盡

神施鬼

設閒見層出唯其大翫於詞而與世抹掇

或作採掇方從閭杭南唐

本云字林抹擬掃滅也漢谷永傳末殺災異

人皆劫劫我獨有餘有以後時

開先生者曰吾既擠而與之矣其猶足存邪

開或作聞擠或作儕

年幾五十始以尊夫人之命來集京師從進士試既得

即去間四年又命來選為漂陽尉迎侍漂上

又下或有以字

去

尉二年而故相鄭公尹河南奏為水陸運從事試協律

郎親拜其母於門內

陸下或有轉字門下方無內字

母卒五年而鄭公

以節領興元軍奏為其軍叅謀試大理評事挈其妻行

之興元次于閬鄉

或無之興元字

暴疾卒年六十四買棺以歛

以二人輿歸鄴郢皆在江南十月庚申樊子合凡贈賻

而葬之洛陽東其先人墓左以餘財附其家而供祀

或無

而供祀字有以俟字或無供祀字有俟字

將葬張籍曰先生揭得振華於古

有光賢者故事有易名況士哉

或無古有光字杭本無賢者下十字

如曰

貞曜先生則姓名字行有載不待講說而明皆曰然遂

用之

待或作從非是

初先生所與俱學同姓簡於世次為叔父

由給事中觀察浙東曰生吾不能舉死吾知恤其家銘

曰

於戲貞曜維執不倚

方無戲字執或作持或無維執不倚一句或此句在維出不訾之下

維出不訾

訾凡數義集韻云思也思不稱意也惟前漢書訾讀與貲同顏師古注多財也若曰不貲

則貲也倚亦二義詩那云倚歟歎辭也前南山云有實其倚鄭氏注倚也若曰不倚則無所倚也東野中立不倚而以貧出任卒至於無所施維卒不施以昌其詩子為止用昌其詩銘意如是而已

瞻嘗舉此以問王定國當昌其身邪昌其詩也來詩下語不契作詩答之有云昌身如飽腹飽盡還復飢昌詩如膏面為人作容姿不如昌其志志一氣自隨養之塞天不衷却懷安所之不如昌其志志一氣自隨養之塞天地孟軻不吾欺公謂東野昌其詩而東坡乃云不如昌其志蓋蘇嘗讀東野詩有未足當韓豪之句不為所取也

唐故秘書少監贈絳州刺史獨孤府君墓誌銘

君諱郁字古風河南人常州刺史贈禮部侍郎憲公諱
及之第二子憲公躬孝踐行篤實而辨於文勸飭指誨
以進後生名聲垂延紹德惟克君生之年憲公歿世與
其兄朗畜於伯父氏始微有知則好學問咨稟教飭不
煩提諭月開日益卓然早成年二十四登進士第時故
相太常權公掌出詔文望臨一時望或作迎登君于門歸以
其子歸或作妻選授奉禮郎楊於陵為華州署君鎮國軍判
官奉授協律郎方从晁本無奉禮至奏授十八字朋遊益附華間彌大

元和元年對詔策拜右拾遺二年兼職史館四年遷右補闕詔中貴人承璀將兵誅王承宗河北君奏疏諫召見問狀有言動聽其後上將有所相不可於衆君與起居舍人李約交章指摘事以不行五年遷起居郎為翰林學士愈被親信有所補助權公既相君以嫌自別改尚書考功員外郎復史館職七年以考功知制誥入謝因賜五品服八年遷駕部郎中職如初權公去相復入翰林九年以疾罷尋遷祕書少監即開于郊

閣下或有居字

十

年正月病遂殆甲午輿歸卒於其家贈絳州刺史

晁本有上

五字本或繫於年四十下方並無

年四十男子二人長曰某早死次曰

天官始十歲有至性聞呼父官與聞弔客至輒號泣以

絕女子一人夫人天水權氏贈太子太保貞孝公臯之

承孫故相今太常德輿之女

承孫字未詳

胤慶配良是

似宜是

是似方作是以○今按是似是宜承上句言胤慶而似配良而宜也方似作以非是

四月己酉其

兄右拾遺朗以喪東葬河南壽安之甘泉鄉家瑩憲公

墓側將以五月壬申窆

家或謂愈曰子知吾弟久敢屬

作冢

以銘

知或作與
久或作友銘曰

於古風襮

布谷切又音傳又黼領也衣表也
詩繡衣朱襮謂衣領之在外者

順而裏方

於下或有乎字○今按上篇四言不應首
句為三字此乃雜言或有此三字句也

不耀其章其

剛不傷戴美世令而年再不羸惟後之成

戴或作載令
或作命○今

按此言載前人之
美而世其令德也

唐故虞部員外郎張府君墓誌銘

尚書虞部員外郎安定張君諱季友字孝權年五十四
病卒東都明年兄子塗與其弟庾挾等護柩歸葬長安

縣馬額原夫人北海唐氏之封

明下或無年字或作月庾拔或作庚揆

前

事塗進韓氏門伏哭庭下曰叔父且死幾於不能言矣

或無且字

張目而言曰吾不可無告韓君別藏而不得韓君

猶不葬也

張目方從杭本無目字云後漢嚴光傳良久張目熟眎然此恐當以杭本為正○今按方

知古有張目字而必以杭本為正殊不可曉今从諸本

塗為書致吾意已而自署

其末與封敢告以請愈既與為禮發書云云其末有複

語千萬永訣八字

方無末有字

名日月與封皆孝權迹

名下或有

與字孝權與余同年進士其上世有暱者當宇文時為車

騎大將軍廊城太守卒葬河北謚曰

忠公至孝權間五世矣孝權大父諱孝先太子通事舍

人

孝先或作奉先

父諱庭光贈綏州刺史綏州之卒孝權蓋尚

小

杭本史下無綏州字非是

母曰太原縣君卒既葬孝權守墓樹松

柏三年而後歸

卒上方有複出縣君字

選為河南府文學

或無府字

去

官徐州使拜章請為判官授協律郎孝權始不痛絕詔

下大悔即詐稱疾不言三年元和初徐使死孝權疾即

日已試判入高等授鄆縣尉明年故相趙宗儒鎮荆南

以孝權為判官拜監察御史經二年拜真御史明年分
司東臺轉殿中按皇甫氏子母病不侍走京師求試職
宰相怒曰吾故皇甫氏御史助所善相戲法侮我皇甫
媼何疾街未決皇甫母病果死得解遷留司虞部員外
郎孝權為人孝謹與人語恐傷之而時嶷嶷有立與孝
權游者極衆而獨以其死累余可尚也已是為銘

此下
或注

銘七二字或注
疑闕銘詞字

唐故檢校尚書左僕射右龍武軍統軍劉公墓

誌銘

一本檢校上有金紫光祿大夫字僕射下有兼御史大夫字統軍下有知軍事上柱國彭

城郡開國公食邑二千戶贈路州大都督字

公諱昌裔字光後本彭城人魯大父諱承慶朔州刺史

大夫巨教好讀老子莊周書為太原晉陽令再世官北

方宦或作官樂其土俗遂著籍太原之陽曲曰自我為此邑

人可也何必彭城父訟贈右散騎常侍訟或作誦。今按名訟無理疑

避諱而改公少好學問始為兒時重遲音不戲恒若有所思

念計畫及壯自試以開吐蕃說干邊將不售入三蜀從

道士游久之蜀人苦楊琳寇掠公單船往說琳感歎雖

不即降納其徒不得為虐

樊云唐史昌裔傳云人蜀楊惠琳反昌裔說之惠琳之亂

在缺夏州歲月相遠惠琳事詳見在寧傳

琳降公常隨琳不去琳死脫身亡

沉浮河朔之間建中中曲環招起之為環檄李納指摘

切刻納悔恐動心恒魏皆疑惑氣懈環封奏其本德宗

稱焉環之會下濮州戰白塔救寧陵襄邑擊李希烈陳

州城下公常在軍間環領陳許軍公因為陳許從事以

前後功勞累遷檢校兵部郎中御史中丞營田副使吳少誠乘環喪引兵叩城留後上官說咨公以城守所以能擒誅叛將為抗拒令敵人不得其便

說或作悅與舊史合擒方

作檢○今按此謂安國寧謀以城降賊昌裔密計斬之當作擒

圍解拜陳州刺史韓全

義敗引軍走陳州求入保公自城上揖謝全義曰公受命詣蔡何為來陳公無恐賊必不敢至我城下明日領騎步十餘抵營全義驚喜迎拜歎息殊不敢以不見舍望公改授陳許軍司馬上官說死拜金紫光祿大夫檢

校工部尚書代說為節度使命界上吏不得犯蔡州人

曰俱天子人奚為相傷少誠吏有來犯者捕得縛送曰

妄稱彼人公宜自治之少誠慙其軍亦禁界上暴者兩

界耕桑交跡更不何問

何或作呵方云漢賈誼傳大譴大呵顏綰傳不執何顏曰何即

問也何上或有可字非是○今按過秦論云陳利兵而誰何言注云問之曰此為誰人何人也亦此義封

彭城郡開國公就拜尚書右僕射元和七年得疾視政

不時八年五月涌水出他界過其地防穿不補没邑屋

流殺居人拜疏請去職即罪詔還京師即其日與使者

俱西大熱且暮馳不息疾大發左右手轡止之公不肯
曰吾恐不得生謝天子上益遣使者勞問勅無亟行至
則不得朝矣天子以為恭即其家拜檢校左僕射右龍

武軍統軍知軍事十一月某甲子薨年六十二

其下或有日字

下同上為之一日不視朝贈潞州大都督命郎弔其家

郎下

或有中字明年某月某甲子葬河南某縣某鄉某原公不好

音聲不大為居宅於諸帥中獨然夫人邠國夫人武功

蘇氏子四人嗣子光祿主簿縱學於樊宗師士大夫多

稱之長子元一朴直忠厚便弓馬為淮南軍衙門將

方便

作使非是

次子景陽景長皆舉進士葬得日相與選使者哭

拜階上使來乞銘銘曰

提將之符尸我一方配古侯公維德不爽

平聲祝曰楚詞厲而不爽

此注楚人謂美敗曰爽

我銘不亡後人之慶

洪曰爽慶皆當叶韻爽讀若霜慶讀若羌

又離騷云慶夭悴而喪榮沈存中曰古人諧聲如慶字多與章字叶韻孝孫有慶萬壽無疆黍稷稻粱農夫之

慶是也集韻並收入平聲

別本韓文考異卷二十九

欽定四庫全書

別本韓文考異卷三十

宋 王伯大 重編

碑誌

唐故監察御史衛府君墓誌銘

樊曰公此誌自與弟中行別以下至可餌以不死造語雄奇所謂唯陳言之務去者也

君諱某字某

或作諱之
玄字造微

中書舍人御史中丞諱某之子

某或作晏贈太子洗馬諱某之孫

某或作璿方云按元和姓纂晏三子長子玄次中立

欽定四庫全書

弟本朝文考異
卷三十

次中行汪彥章云王仲一本謂此
中立墓誌中立字退之非之玄也

衛家世習儒學詞章

昆弟三人俱傳父祖業從進士舉君獨不與俗為事樂

弛置自便

不下方有興字云讀去聲非是○或疑此與字當作以更詳之弛或作施

父中丞

薨既三年與其弟中行別曰若既克自敬勤及先人存

趾美進士續聞成宗唯服任遂功為孝子在不怠我恨

已不及假令今得不足自賞

音謝又音世或作貴作貫

我聞南方多

水銀丹砂雜他奇藥燠

於刀切又音祿煉也煨也

為黃金可餌以不

死今於若丐我我即去遂踰嶺阨

於革切塞也

南出藥貴不

可得以干容帥帥且曰若能從事於我可一日具許之
得藥試如方不效曰方良是我治之未至耳留三年藥
終不能為黃金而佐帥政成以功再遷監察御史帥遷
于桂從之帥坐事免君攝其治歷三時夷人稱便新帥
將奏功君捨去南海馬大夫使謂君曰幸尚可成兩濟
其利君雖益厭然不能無萬一冀至南海未幾竟死年

五十三子曰某

某或作景微

元和十年十二月某日歸塋河

南某縣某鄉某村村先塋

某縣某鄉某村諸本作伊闕縣伊國鄉高都村

於時

中行爲尚書兵部郎號名人而與余善請銘

或無於字郎下或有

中銘曰

嗟惟君篤所信

方云信音新漢武悼李夫人賦中以信兮

要無有弊精神以

弃餘賈於人脫外累自貴珍訊來世述墓文

唐故河南令張君墓誌銘

君諱署字某河間人大父利貞有名玄宗世爲御史中

丞舉彈無所避由是出爲陳留守領河南道採訪處置

使數歲卒官皇考諱郇以儒學進官至侍御史

郇或作詢君

方質有氣形貌魁碩長於文詞以進士舉博學宏詞為
校書郎自京兆武功尉拜監察御史為幸臣所讒與同
輩韓愈李方叔三人俱為縣令南方三年逢恩俱徙掾
江陵半歲邕管奏君為判官改殿中侍御史不行拜京
兆府司錄諸曹白事不敢平面視共食公堂抑首促促
就哺歎揖起趨去無敢闌語促促或作旦旦方云促如
齷齪之促本或作疑疑闌
或作縣令丞尉畏如嚴京兆事以辨治辨或
作幹京兆改鳳
間翔尹以節鎮京西請與君俱改禮部員外郎為觀察使

判官帥它遷君不樂久去京師謝歸用前罷拜三原令

歲餘遷尚書刑部員外郎守法爭議棘棘不阿

方从諸本無議

字及下棘字而云晁本校增此二字阿或作撓○今按歐公常疑此句有脫字不知晁氏以何本校也詳具文理當有此改虔州刺史民俗相朋黨不訴殺牛牛以大

耗

或無不訴字

又多捕生鳥雀魚鼈可食與不可食相買賣

時節脫放期為福祥君視事一皆禁督立絕

祥下或有事字或無

視字二字或但有事字

使通經吏與諸生之旁大郡學鄉飲酒喪

婚禮張施講說民吏觀聽從化大喜

經吏或作經史

度支符州

折民戶租歲徵縣六千屯比郡承命惶怖立期日惟恐
不及事被罪君獨疏言治迫嶺下民不識蠶桑月餘免
符下民相扶攜守州門叫譴為賀改澧州刺史民稅出
雜產物與錢尚書有經數觀察使牒州徵民錢倍經君
曰刺史可為法不可貪官害民留噤不肯從竟以代罷
可為法疑必有脫誤或為字當作守觀察使使劇吏案簿書十日不得毫
毛罪吏或作史改河南令而河南尹適君平生所不好者君
年且老當日日拜走仰望階下不得已就官數月大不

適即以病辭免公卿欲其一至京師君以再不得意於
守令恨曰義不可更辱又奚為於京師間竟閉門死年

六十

或無閉門二字

君娶河東柳氏女二子昇奴胡師將以某

年某月某日塋某所其兄將作少監昔請銘於右庶子

韓愈

昔或作者方云李遜赴襄陽送行詩有著作郎張昔

愈前與君為御史被讒

俱為縣令南方者也最為知君銘曰

誰之不如而不公卿奚養之違以不久生唯其頑頑以

世厥聲

鳳翔隴州節度使李公墓誌銘

一本上有唐故字度下有觀察使開府儀同三司檢校戶部尚書贈尚書左僕射字

公諱惟簡

或作某

字某司空平章事贈太傅之子太傅初

姓張氏肅宗時舉恒趙深冀易定六州戰卒五萬人馬

五千匹以歸聽命天子嘉之賜姓曰李更其名寶臣

名下

或有曰字

立其軍號之曰成德由是姓李氏太傅死公兄弟

讓嗣公竟棄其家自歸京師及兄死家覆有司設防守

德宗如奉天守卒出公即馳歸與母韓國夫人鄭氏拜

訣屬家徒隨走所幸道與賊遇七鬪乃至有功遷太子

諭德加御史中丞從幸梁州天黑失道識焦中人聲得

見德宗於塾屋

上音軒下音室
雍縣名屬鳳翔

西上曰卿有母可隨我

耶

可或作何

曰臣以死從衛及幸還錄功封武安郡王號元

從功臣

王或作公方云
考之史當作王

圖其形御閣而以神威將軍居

北軍衛

居或作爲
衛或作御

久乃加御史大夫丁韓國憂去官累

遷神威大將軍加工刑二曹尚書天威統軍又改戶部

尚書金吾大將軍有長上萬國俊者以軍勢奪興平人

地吏憚莫敢治

上方作尚新史蜀本作上○今按長上蓋衛卒之號猶今言長人也當从蜀本

及公為金吾興平人曰久聞李將軍為人公平庶能直
吾屈即齋縣牒來見公發視立杖國俊廢之以地還興
平人聞者莫不稱歎於是天子以公材果可任用治人
將兵無所不宜元和六年即以公為鳳翔隴州節度使
戶部尚書兼鳳翔尹隴州地與吐蕃接舊常朝夕相同
更入攻抄人吏不得息公以為國家於夷狄當用長筭
邊將當承上旨謹條教方作務非是蓄財穀完吏農力以俟

不宜規小利起事盜恩禁不得妄入其地益市耕牛鑄

鑄鈔鉏斲

鑄音博鈔山監切鉏陟初切又仕菹切與勑同去穢助苗斲陟玉切集注詩痔乃錢鑄注

田器也鈔大鑣也斲大鋤也

以給農之不能自具者丁壯興勵

興或作愈

歲增田數十萬畝連八歲五種俱熟公私有餘販者負

入褒斜

音那孫曰梁州記萬石城沂漢上七里有褒谷南口曰褒北口曰斜長四百七十里褒水通沔

斜水通渭選右界上褒斜

船循渭而下首尾相繼不絕十三年公與

忠武軍節度使司空光顏邠寧節度使尚書劍俱來朝

上為之燕三殿張百戲公卿侍臣咸與

方云唐麟德殿有三面故曰三

殿既事勅還公因進曰臣幸得宿衛四十餘年

或無今得字

年老斥外任不勝慕戀願得死輦下天子加慰遣焉

斥或

作許或作訴

還鎮告疾其夏五月戊子薨年五十五訃至上

悼愴罷朝遣郎中臨弔贈尚書左僕射以其年十一月

景中葬萬年鳳棲原

萬年下或
有縣字

夫人博陵郡崔氏河陽

尉鎬之孫大理評事可觀之女賢有法度

賢下或
有而字

公有

四子長曰元孫三原尉次曰元質彭之濛陽尉曰元立

興平尉曰元本河南參軍皆愿敏好善元立元本皆崔

氏出葬得曰嗣子元立與其昆弟四人請銘於韓氏曰
先人嘗有託於夫子也愈曰太傳功在史氏記僕射以

孤童囚羈京師

或無記字童下方有子字
今按崔方進傳無者為是

卒能以忠

為節自顯取爵位立名績使天下拭目觀父母與榮焉

既忠又孝法宜銘

或無銘字

銘曰

太傅之顯自其躬興僕射童羈孰與之朋遭國之難以
節自發致其勤艱以復考烈孝由忠立爵名隨之銘此
玄石維昧之詒

唐故中散大夫少府監胡良公墓神道碑

此篇從方氏石本疑者別出。蜀本注牛僧孺撰墓志陳鴻撰謚張籍撰行狀。今按方本無中散大夫良五字又它神道碑不著墓字唯此有之亦變例也

少府監胡公者諱珣字潤博年七十九以官卒明年八

月十四日葬京兆奉先夫人天水趙氏祔焉

八月或作七月或無

十四日字

其子逞廼巡遇述遷造

或無廼字或無巡字

與公壻廣文博

士吳郡張籍以公之族出行治厯官壽年為書

出下或有處文

二字非是

使人自京師南走八千里至閩南兩越之界上請

為公銘刻之墓碑於潮州刺史韓愈曰胡姓本出安定

後徙清河於今為宗城屬具州

河下或有複出清河字

大父諱秀

武后時以文材徵為麟臺正字父宰臣用進士卒官平

陽冀氏令贈潭州大都督

或無官字

公早孤能自勸學立節

槩非其身力不以衣食

勸或作勤

凡一試進士二即吏部選

皆以文章占上第樂為儉勤自刻削不干人以矯時弊

樂方作出非是

及為富平尉一府稱其斷決建中四年侍郎趙

贊為度支使薦公為監察御史主餽給渭橋以東軍洗

手奉職不以一錢假人賊平有司考覆羣吏多坐貶死

考覈方或作覈考或無貶或無死字獨公以清苦能檢飭無漏失遷河南

倉曹魏公賈耽以節鎮鄭滑以公佐觀察事檢校尚書

工部員外郎以剛直齟齬不阿忤權貴除獻陵

高祖陵

令

居陵下七年市置田宅務種樹為業以自給教授子弟

業下方無以字杭併無以自給字子弟或作弟子

貞元十一年吏部大選以公

考選人藝學以勞遷奉先令以治辦遷尚書膳部郎中

改坊州刺史州經亂無孔子廟公至則命築宮造祭器

率博士生講讀以時如法以祠人吏聚觀歎息

生下或有徒字

遷舒州刺史州歲大熟麥一莖數穗間里歌舞之

或無舞字

考功以聞遷尚書駕部郎中數以事犯尚書李弼弼時

主鹽鐵事富驕恃勢以語丞相

丞相丞或作宰

由是退公為鳳翔

少尹弼死遷少大理改少詹事元和十二年朝廷以公

年老能自祗力事職不懈可嘉拜少府監兼知內中尚

明年以病卒

方無病字非是

公始以進士孤身旅長安致官九

卿為大家七子皆有學守女嫁名人年幾八十堅悍不

哀事可傳載可謂成德

謂或作
為非是

銘曰

竭竭

丘竭切
武壯貌

胡公既果以方挾藝射科每發如望

音人
忘

求於人我已為之自始訖終不降色辭因官立事隨有

可載發跡餽軍遭讒府介

軍或
作運

去居陵下為吏為隱坊

舒之政于茲有靳

或作
數

守官駕部名昇已屈

昇或作升
已或作民

躋于少府甚宜秩物不配具有君子恥之少府古卿公

優止之刻文碑石以顯公行維公後人無怠嗣慶

維公
或作

維
彼

唐故相權公墓碑

上之元和六年其相曰權公諱德輿字載之其本出自
殷帝武丁武丁之子降封於權權江漢間國也周衰入
楚為權氏楚滅徙秦而居天水略陽符秦之王中國其
臣有安丘公翼者有大臣之言後六世至平凉公文誕
為唐上庸太守荊州大都督長史焯有聲烈焯或作綽平凉
曾孫諱倕贈尚書禮部郎中以藝學與蘇源明相善卒
官羽林軍錄事參軍於公為王父郎中生贈太子太保

諱臯以忠孝致大名去官累以官微不起追謚貞孝是

實生公公在相位三年其後以吏部尚書授節鎮山南

年六十以薨贈尚書左僕射謚文公

以薨以或作六方
考舊史云當作

公生三歲知變四聲

知或
作能

四歲能為詩七歲而貞孝公

卒來弔哭者見其顏色聲容皆相謂權氏世有其人及

長好學孝敬祥順貞元八年以前江西府監察御史徵

拜博士朝士以得人相慶改左補闕章奏不絕譏排姦

倖與陽城為助轉起居舍人遂知制誥凡撰命詞九年

以類集為五十卷天下稱其能十八年以中書舍人典貢士拜尚書禮部侍郎薦士於公者其言可信不以其人布衣不用即不可信雖大官勢人交言一不以綴意奏廣歲所取進士明經在得人不以員拘轉戶兵吏三曹侍郎太子賓客復為兵部遷太常卿天下愈推為鉅人長德時天子以為宰相宜參用道德人因拜禮部尚書同中書門下平章事公既謝辭不許其所設張舉措必本於寬大以幾教化多所助與

○方作為或無此一字
今按助與如後故

于頓事之類是也作為非是

維匡調娛不失其正中於和節不為聲

章因善與賢不矜主已

矜或作務

以吏部尚書留守東都東

方諸帥有利病不能自請者公常與疏陳不以露布

不以

或無不字露布或作布露

復拜太常轉刑部尚書考定新舊令式為

三十編舉可長用

方無長字

其在山南河南勤于選付治以

和簡人以寧便以疾求還十三年某月甲子道薨于洋

之白草奏至天子痛傷為之不御朝

痛或作痛

郎官致贈錫

官居野處上下弔哭皆曰善人死矣其年某月日塋河

南北山在貞孝東五里

月下或有某字

公由陪屬升列年除歲

遷以至公宰人皆喜聞若已與有無忌嫉者于頓坐子

毅人失位自囚親戚莫敢過門省顧朝莫敢言者

顧下有或有

者字朝上或有在字

公將留守東都為上言曰頓之罪既貫不竟

宜因賜寬詔

公下或有時字曰下或有于字

上曰然公為吾行諭之頓

以不憂死前後考第進士及庭所策試士踵相躡為宰

相達官與公相先後其餘布處臺閣外府凡百餘人自

始學至疾未病未嘗一日去書不觀

或無未病二字

公既以能

為文辭擅聲於朝多銘卿大夫功德

或無能字

然其為家不

視簿書未嘗問有亡費不特餘

視或作親問下或有其字諸本特作待或作諸

公娶清河崔氏女其父造嘗相德宗號為名臣

德或作代方考

宰相表云

既莖其子監察御史璩

音渠

纍然服喪來有請

服喪或作喪

乃作銘文

或無銘字曰

權在商周世無不存

無或作次

滅楚徙秦嬴劉之間甘泉

始侯以及安丘詆訶浮屠皇極之扶貞孝之生鳳鳥不

至

或作至世

爵位豈多半塗以稅

以或作已

壽考豈多四十而逝

惟其不有以惠厥後是生相君為朝德首行世祖之文

世師之

祖或作師師或作推或作祖

流連六官出入屏毗無黨無讎

舉世莫疵人所憚為公勇為之

憚為或作憚焉

其所競馳公絕

不窺

其方作人競作共絕作有○今按作絕乃與上文勇字相應

孰克知之德將在

斯

克或作先

刻詩墓碑以永厥垂

平淮西碑

并序

樊曰宰相裴度為淮西宣慰處置等使公為行軍司馬蔡平隨度還朝詔撰平淮西碑公以吳元濟之平由度能固天子意得不赦卒擒之多歸度功而李愬特以入蔡功居第一

烈妻唐安公主女也出入禁中訴碑不實帝
詔斷其文更命翰林學士段文昌為之見舊
史公傳及新史吳元濟傳文昌之文見姚鉉
文粹其與公作不待較而明蘇內翰錄臨江
驛小詩云淮西功業冠吾唐吏部文章日月
光千載斷碑人膾炙不知世有段文昌盡之
矣陳無已曰龍圖孫學士覺喜論文謂退之
淮西碑叙如書銘如詩又云少游謂元和聖
德詩於韓文為下與淮西碑如出兩手蓋其
少作也商隱讀韓碑詩元和天子神武姿彼
何人哉軒與義誓將上雪列聖恥坐法宮中
朝四夷淮西有賊五十載封狼生驅驅生羆
不據山河據平地長戈利矛日可麾帝得聖
相相曰度賊斫不死神扶持腰懸相印作都
統陰風慘澹天王旗烈武古通作牙爪儀曹
外郎載筆隨行軍司馬智且勇十四萬衆猶

虎貌入蔡縛賊獻太廟功無與比思不訾帝
曰汝度功第一汝從事愈宜為辭愈拜稽首
蹈且舞金石刻畫臣能為古今世稱大手筆
此事不繫於職司當仁自古有不避言訖屢
領天子願公退齋戒坐小間濡染大筆何淋
漓點竄克典舜典字塗改清廟生民詩文成
破體書在紙清晨再拜鋪丹墀表曰臣愈昧
死上詠神聖功書之碑碑高三丈字如手負
以靈龜蟠以螭句奇語重喻者少讒之天子
言其私長繩百尺拽碑倒麓砂大石相磨治
公之斯丈若元氣先時已入人肝脾湯盤孔
鼎有述作今無其器存其辭嗚呼聖皇及聖
相相與烜赫流淳熙公之斯文不示後昌與
三五相攀追願書萬本頌萬過口角流沫右
手胝傳之七十有三代
以為封禪玉檢明堂基

天以唐克肖其德聖子神孫繼繼承承於千萬年敬戒

不怠全付所覆四海九州罔有內外悉主悉臣高祖太

宗既除既治高宗中睿休養生息至于玄宗受報收功

極熾而豐物衆地大孽牙其間肅宗代宗德祖順考以

勤以容大慝適去稂莠不孳

奴豆切又奴毛切孳器也以刺地除草詩以薅荼蓼

相臣將臣文恬武嬉習熟見聞以為當然睿聖文武皇

帝既受羣臣朝

帝下或有陛下字非是

乃考圖數貢

方無乃字數色阻切祝曰

謂考輿地之廣狹計貢賦之至與不至

曰嗚呼天既全付予有家本傳次

在予予不能事事其何以見于郊廟羣臣震懾奔走率

職

方無奔率二字

明年平夏

綏銀節度留後李惠琳叛兵馬使張承金討斬之

又明年

平蜀

劔南節度韋臯卒行軍司馬劉闢自稱留後東川節度高崇文擒劉闢以獻

又明年平

江東又明年平澤潞

蜀下方有西川字云劉闢求都統三川方圍梓州而敗亂圖不及他

郡也○今按既圍梓州則亂已及東川矣方說非是鎮州招討使吐突承璀執昭義節度盧從史歸京師

遂定易定

義成節度張茂昭以易定二州歸于有司

致魏博貝衛澶相

魏博節度

田弘正以所管六州歸于有司

無不從志皇帝曰不可究武予其少息

究或作窮

九年蔡將死蔡人立其子元濟以請不許遂燒舞

陽犯葉襄城以動東都放兵四劫

城上或有等字洪云此謂葉與襄城耳等

字非是

皇帝歷問于朝一二臣外

或作外臣方从抗苑無外字○今按此句若作

外臣則當時朝臣自以伐蔡為不可非獨外臣也若作一二臣則當時舉朝之臣皆以伐蔡為不可又非獨一

二人也考之下文所謂一二臣同不為無助者又正指武元衡裴度一二人贊伐蔡之謀者而言則此乃謂唯

一二臣以為可而其外羣臣皆以為不可耳諸本作外臣及無外字皆非是唯作臣外者得之皆曰蔡

帥之不廷授于今五十年

帥或作師于或作於

傳三姓四將其樹

本堅兵利率頑不與他等因撫而有順且無事大官臆

決唱聲萬口和

去聲

附并為一談牢不可破

并作併

皇帝曰

惟天惟祖宗所以付任予者庶其在此予何敢不力

上天

或有大字非是或無何

况一二臣同不為無助

不上或有國字

曰光顏汝

為陳許帥維是河東魏博邵

音合在同州縣名

陽三軍之在行

者汝皆將之

邵或作涇非是

曰重胤汝故有河陽懷今益以汝

維是朔方義成陝益鳳翔延慶七軍之在行者汝皆將

之

延慶本或作鄴延寧慶

曰弘汝以卒萬二千屬而子公武往討

之

屬下方有集字或在公武下皆非是

曰文通汝守壽維是宣武淮南宣

歙浙西四軍之行于壽者汝皆將之

西上或有徐泗字四或作五皆非是

曰道古汝其觀察鄂岳曰愬汝帥唐鄧隨各以其兵進

戰曰度汝長御史其往視師曰度惟汝子同汝遂相予

以賞罰用命不用命曰弘汝其以節都統諸軍節下或有度字

諸方作討○今按前輩有引左傳討其軍實為討軍之證者恐未必然若必作討則秦之果刻石自有遂發討師之語而晉官有都督征討諸軍事皆足為證不必引左傳却不相似也但公所作韓弘碑但云都統諸軍則作討者為誤矣不可以偶有旁證而強引以从之也曰守謙汝出入左右汝惟近

臣其往撫師汝惟或作惟汝曰度汝其往衣服飲食予士衣去聲食

音無寒無飢以既厥事遂生蔡人方無服飲字或無服字有飲字或無衣服

字寒下或無無字

賜汝節斧通天御帶衛卒三百凡茲廷臣汝

擇自從惟其賢能無憚大吏庚申予其臨門送汝曰御

史予閔士大夫戰甚苦自今以往非郊廟祠祀其無用

樂

祀下或無其字

顏肩武合攻其北大戰十六得柵城縣二十

三降人卒四萬

或無人字方云此謂降其民與卒也故下語皆不再出人卒字○今按莊子云

人卒雖象公語亦有自也

道古攻其東南八戰降萬三千再入申破

其外城

降下或有卒字

文通戰其東十餘遇降萬二千愬入其

西得賊將輒釋不殺用其策戰比有功

此或作皆

十二年八

月丞相度至師都統弘責戰益急顏肩武合戰益用命

元濟盡并其衆洄曲以備

師或作帥非是洄方作
迴。今按洄與史合

十月

壬申愬用所得賊將自文城因天大雪疾馳百二十里

用半夜到蔡破其門取元濟以獻盡得其屬人卒

馳或作走

辛巳丞相度入蔡以皇帝命赦其人淮西平大饗賚功

師還之日因以其食賜蔡人凡蔡卒三萬五千其不樂

為兵願歸為農者十九悉縱之斬元濟京師

方無歸字
濟下或有

於冊功弘加侍中愬為左僕射帥山南東道顏肩皆加

司空公武以散騎常侍帥郎音浮坊丹延道古進大夫文

通加散騎常侍

方云考之史及段文昌碑皆合一本無大夫文通加五字非是道古時已為中

丞故不復言御史也。今按道古墓志亦可考。

丞相度朝京師道封晉國公進

階金紫光祿大夫以舊官相

或無道字或作進或無國字

而以其副

總為工部尚書領蔡任既還奏羣臣請紀聖功被之金

石皇帝以命臣愈

帝下或無以字

臣愈再拜稽首而獻文曰

唐承天命遂臣萬邦

或作方

孰居近土襲盜以狂往在玄

宗崇極而圯

部鄙切毀也在方作居云唐人多以在為居公本政亦曰居我其周從是也。今按

以在為居亦草書之誤本政
居字已論於本篇方說非是河北悍驕河南附起四聖

不宥屢興師征有不能克益戍以兵夫耕不食婦織不
裳輸之以車為卒賜糧外多失朝曠不獄狩百隸怠官

事亡其舊

百隸怠官或作百
司怠官亡或作忘

帝時繼位顧瞻咨嗟惟汝

文武孰恤予家既斬吳蜀旋取山東

吳蜀方作蜀
吳取或作出

魏將

首義六州降從淮蔡不順自以為強提兵叫譴欲事故

常始命討之遂連姦鄰陰遣刺客來賊相臣方戰未利

內驚京師羣公上言莫若惠來

公或
作臣

帝為不聞與神為

謀乃相同德以訖天誅

乃方作及非是

乃敕顏脣慙武古通咸

統於弘各奏汝功

奏方作走非是

三方分攻

祝曰謂顏脣武攻其北道古攻其東

南文通戰其東也

五萬其師大軍北乘厥數倍之常兵時曲軍

士蠢蠢既翦陵雲蔡卒大窘勝之邵陵鄆城來降

勝或作遂

自夏入秋復屯相望

人或作及復或作復

兵頓不勵告功不時帝

哀征夫命相往釐士飽而歌馬騰於槽試之新城賊遇

敗逃盡抽其有聚以防我西師躍入道無留者

顏音

弋貌音周盡夜

蔡城其壘千里

壘或作疆

既入而有莫不順

侯帝有恩言相度來宣誅止其魁釋其下人

釋其或作釋于

蔡

之卒夫投甲呼舞蔡之婦女迎門笑語蔡人告飢船粟

往哺蔡人告寒賜以繒布

賜以方作詒賜非是

始時蔡人禁不往

來今相從戲里門夜開始時蔡人進戰退戮今盱而起

左殮右粥

盱方作眠殮或作漿方云舊史皆作殮○今按還予授子之漿分傳云漿餐也史記漿未

及下咽酒未及濡脣漢書令其裨將傳漿則餐字亦有義公祭鄭夫人文念寒而衣念飢而餐同以衣對餐也

或當作餐

為之擇人以收餘億

收或作牧

選吏賜牛教而不稅蔡

人有言始迷不知今乃大覺差前之為蔡人有言天子

明聖不順族誅順保性命汝不吾信視此蔡方孰為不

順往斧其吭

古郎切
喉也

凡叛有數聲勢相倚吾強不支汝

弱奚恃其告而長而父而兄

或作及
汝父兄

奔走偕來同我太

平

偕來方
作來偕

淮蔡為亂天子伐之既伐而飢天子活之始

議伐蔡卿士莫隨既伐四年小大並疑不赦不疑由天

子明凡此蔡功惟斷乃成既定淮蔡四夷畢來

既定淮
蔡或作

淮蔡
既定

遂開明堂坐以治之

別本韓文考異卷三十